

Yaqallam pachata muyuna kasqa  
 kanchariq llaqta cubaman chayanapaaq  
 supay qollqe sunquyuq, runa cheqniq  
 supay runakunas chayta kamachinku  
 iKamachiyta atinkuraqsi chaychakunata!  
 Kikin ñantaqa, runa rinan ñantaqa manam harkayta atinkuchu.  
 Kayqaya, kanchariq, runa kuyaaq  
 llaqta chayaykamuchkaykiña,  
 wayranta pawaspay, mana saykuq waman avionpa qasqonukupi  
 Imaymana ritipa chaupintapas pasamuni,  
 chay surunpiq ritipi sumaq,  
 imaymana llaqtaqa reqsimuni  
 cheqaq runapa kallpanwan kallpachakuspa  
 ancha qapaq llaqtakunapa chaupintan,  
 chunniq, mana patayoaq  
 qochakunapa chaupinta,  
 ritipa sisan manchay sachakuna,  
 wañuy kausay sachakunapa chaupinta pasaspa,  
 chayamuchkayki runa kuyaaq, runa kanchariq,  
 runa qespichiq  
 llaqtallay llaqta.  
 Kay wamani avionpa qasqon ukupi uyarini rimaynikita  
 qanchis pachak amautakunapa, harawiqkunapa  
 rimasqanta qaparinqanta.  
 Inti sasyayta rimaykamusqanku  
 qam rayku.  
 Qanmi kanki, kunan, cuballaqta mundupa rurun  
 hananpachapa, kaypachapa.  
 Mana wañuq rurun,  
 wiñay kausaq runaq rurun.  
 Taksallam kanki  
 manataq kanchu maypipas atiqniki.  
 Taksallam ruru  
 may rumitapas qaqatapas  
 pakinmi pauchirichinmi.  
 iLlaqtallay llaqta  
 mosoq mundupa Qosqon!

Wañuykunikunata intiq rauraynikiwan sipispa  
 Runata aqarinki  
 Tukuy pachakunata aypanapaaq, anisachinanapaaq  
 kanchariq, kuyaaq sonqonwan.

